



# Weerdevol

Woar stait ChristenUnie Knoal veur?!

*Verkörde oetgoave van ons Verkaizensprogram 2018-2022*

**Christen**  
**Unie**



## Weerdevol leven, wonen en waarken

*Hailemoal underin kinnen je d'invullen vinden op hoofdlienen*

Verkaizens goan over mensen. Over ons olden, ons kinder, onze noabers, meesters en juffen op school, onze waarkgevers en onze waarknemers.

Ze goan over joe en ons en onze menaaijer van soamen leven. Wie willen n gemaainte wezen woarin we omkieken noar mekoar. N gemaainte dai leefboar blift, ook veur ons kinder. ChristenUnie vindt dat t meer den ooit belangriek is um te geleuven in n gemaainte woar t nait meer gait um 'ik' mor aal meer um 'wie'.

ChristenUnie in de gemaainte Knoal is n partij van christenen veur aal mensen in d gemaainte. Wie willen n klain stukje van d'Laifde van God veur d'wereld, Nederland en Knoal oetstroalen en deurgeven.

In Psalm 127 stait: "As d'Heere t hoes nait baauwt, den is t waark van timmerlu vergees; as d'Heere stad nait bewoart, vergees is den t woaken van wachters." Dizze twij veurbeelden bennen van toupassen op aal ons waark. As wie God der boeten lotten, is t aal nutteloos. Dit is ook de menaaijer woarop ChristenUnie Knoal politiek handen en vouten geeft. Wie vertrauwen op onze God en waiten ons oafhankelik in aal wat wie doun.

Oafgelopen joaren druig ChristenUnie in Knoal hun bestuurleke verantwoordelekhaaid. Wie hebben ons inzet veur zörg op moat, veileg wonen en groot worden, veur waark, veur n goie financiële positie veur aal ons inwoners.

Ook kommende vaar joar willen wie geern verder waarken aan t nog schierder en beter mokken van onze gemaainte.

Wie goan doarum mit n programma van hoop en realisme de kommende verkaizens in. 'n Program mit plannen veur gemaainte Knoal dat loat zain dat ChristenUnie wil baauwen aan n soamenleven woar elk mit telt.

Wie investeren in zörg veur mekoar, in d'heul belangriekje rol van gezinnen, n dainstboare en rechtvoardege overhaid, moreel leiderschap, Godsdienstvrijhaid, n duurzoame economie en in n goie omgang mit Gods Schepping. Aal dizze zoaken bennen veur ons weerdevol!

Bert van Beek oet de Muzzel  
*Liesttrekker ChristenUnie Knoal*

## Weerdevol leven

ChristenUnie leufd in n soamenleven dai oetgaait van noastenlaifde. Omkieken noar en zörg veur mekander is t oetgangspunt van n gezonde moatschappij. Nait elk het t geluk van mensen om zich tou; sommigen hebben problemen dai te stoer bennen, te zwoar of te groot om alleneg of laank deur vrijwilligers en mantelzörgers te droagen worden. Den daint de gemainte der zörg veur te droagen dat der steun op moet komt, veur d'hulpvraagere en t gezin moet ook veur de vrijwilligers en mantelzörgers.

## Weerdevol waarken

T hebben van waark, betaald moet ook onbetaald, is belangriek en weerdevol. Ons waark is t stee waar talent en verantwoordelekheid tot zien recht komt. Jammer genoeg bennen der in Knoal op t moment doezend mensen en gezinnen in d'biestand en veur veulen van dizze mensen is t stoer om aan t waark te kommen. Boetendes bennen der teveul mensen dai ondanks t hebben van waark under of ombie armoude leven.

Wie leven in ain van d'riekste landen ter wereld moet ook in gemainte Knoal is der armoude en lukt t nait elk om kop boven wotter te holden. ChristenUnie vindt dat gain aine aan zien of heur lot over lotten moet worden.

## Weerdevol wonen

Wie leven in n haile schiere grüne gemainte mit veul veurzieningen in prachtege dörpen, mit elk aigen karakters. As ChristenUnie willen wie dat omaarmen en verstaarken. Gemainte moet bewoners van wieken en dörpen zoveul as t kin betrekken bie zoaken dai heur roaken. Dit motten ze doun deur te ondersteunen en faciliteiten op te stellen noar d'lokaale gemainschappen. ChristenUnie in Knoal is terugholdend mit verhogen van d'onroerend zaakbelasten (OZB).

## Speerpunten

### Weerdevol leven

ChristenUnie makt zuk staark veur:

- + gezonde gezinnen
- + ondersteunen en underzuike bie zwangerschap in kwetsboare gevallen
- + preventie en aanpak veur kwetsboare doelgroepen woaronder (potentiële) slachtoffers van kindermishandeln en hoeselk geweld, mìnshandel, misbroek en versloaving
- + n inclusief Knoal; woar elk mit kin doun
- + veurkommen en bestrieden van ainzoamhaid
- + mantelzörgondersteunen, braid pakket dat goud oetlegd wordt
  
- + n vluge oetvoeren van t aarmoudebeleid (inclusief kindpakket)
- + pgb's, as middel veur identiteitsgebonden zörg
- + meldpunt woar mìnshen terecht kinnen dij vastlopen in regels
- + t blieden besteden van geld veur de zörg áán de zörg
- + de blieverslainen, zodat particulieren heur hoes makkelker aanpazen kinnen
- + zörg veur elkenaine, zoveul meugelk op moat
- + t betrekken van inwoners bie veilighaid in heur omgeven,
- + bieveurbeeld deur buurtpreventie-apps
- + zichtboarhaid van de wiekagent

### Weerdevol waarken

ChristenUnie makt zuk staark veur:

- + betere wegen en verbindens
- + de spoorverbinden Veendam - Knoal - Musselknoal - Emmen
- + duurzoam vernijen
- + goie service veur ondernemers
- + waarkgelegenheid
- + gericht oplaaiden van scholieren en waarkzuihenden noar goud waark
  
- + passend waark voor arbeidsgehandicapten
- + wies mit vrijwilligers (waardering)
- + goude soamenwaarken mit aal t onderwies, ook bie passend onderwies en schoolverloaters
  
- + n goie toukomst veur Wedeka en heur waarknemers
- + t goie veurbeeld van d'gemeente als waarkgever

## Weerdevol wonen

ChristenUnie mokt zuk staark veur:

- + wieken en dörpen, deur aigen beheer en budgetten
- + goud toukomstbestendeg voorzieningenpeil
- + Refaja zaikenhoes, behold van n volweerdeg streekzaikenhoes
- + Theater Geert Teis, as zulfstandege organisoatsie
- + onderhoud van 'gruin en gries'
- + goud onderhouden en betoalboare begroafploatsen
  
- + tegengoan van rommel bie de weg
- + hergebroek deur gebruik mokken van kringloopwinkels en oafvalbrenngstation
- + goie invoering van d Omgevingswet
- + betoalboare woonroemte, ook in de klainere dörpen
- + verduurzoamen van hoezen
  
- + energieneutral zo snel as t kin
- + kunst, cultuur en sport veur elkenaine
- + toalhoezen
- + inspeulen op gevolgen van klimaatveraandern

*Kiek veur filmpjes, onze 21 kandidoaten en nog veul meer op*

[www.weerdevolknoal.nl](http://www.weerdevolknoal.nl)